



REPUBLIKA E SHQIPËRISË
KOMISIONI QENDROR I ZGJEDHJEVE

Tiranë më 19.06.2018

NJOFTIM PËR VEND TË LIRË PUNE

1. Lëvizja paralele brenda të njëjtës kategori

Në zbatim të Ligjit nr.152/2013, datë 30.05.2013 "Për nëpunësin civil", i ndryshuar, Kreu V – "Lëvizja paralele dhe ngritja në detyrë", nenit 26, "Plotësimi i vendeve të lira në kategorinë e ulët apo të mesme drejtuese" dhe Vendimit të Këshillit të Ministrave nr.242, datë 18.03.2014 "Për plotësimin e vendeve të lira në kategorinë e ulët dhe të mesme drejtuese", Kreu II, Komisioni Qendror i Zgjedhjeve, njofton se;

- ✓ Në Administratën e KQZ-së ka 1(një) vend të lirë pune në kategorinë e ulët drejtuese, në pozicionin Shef Sektori për kontrollin financiar të partive politike në Drejtorinë e Financës. Kategoria e pagës III-a.

Përshkrimi i përgjithshëm i punës (detyrat kryesore) për këtë pozicion:

1. Të organizojë punën në sektorin për kontrollin e financimit të partive politike, si dhe të menaxhojë në mënyrë aefektive burimet njerëzore nën drejtimin e tij.
2. Të ketë aftësi për të mbikqyrur dhe evidentuar nëse në raportin e auditimit janë përfshirë zbatimi nga ana e partive politike për vitin kalendarik dhe subjekteve zgjedhore për fushatën zgjedhore, i të gjitha kërkesave që parashikon ligji për partitë politike dhe Kodin Zgjedhor për financimin e partive politike/subjekteve zgjedhore.
3. Të përgatitë relacionin me shkrim për të gjitha, raportet e auditimit të përgatitur nga ekspertët kontabël, për vitin kalendarik dhe fushatën zgjedhore duke bashkëpunuar me sektorin dhe ti paraqesë ato te eprori i drejtëpërdrejtë.
4. Të jetë i aftë për të mbikqyrur përgatitjen e database të detajuar me të gjitha të dhënat e raporteve, nga stafi i sektorit, database i miratuar paraprakisht nga Drejtori i Financës.
5. Të kontrollojë dhe të përgatitë materialet në rastet kur do të jenë pjesë e project-akteve për tu paraqitur në mbledhje të KQZ-së, dhe paraprikisht ti raportojë eprorit të drejtëpërdrejtë.
6. Informon në kohë dhe paraqet rregullisht raporte më shkrim tek eprori i drejtëpërdrejtë për ecurinë e çdo veprimtarie që ka të bëjë me sektorin në periudhë zgjedhore dhe jozgjedhore.
7. Të përfaqësojë institucionin e KQZ-së në proceset gjyqësore në lidhje me financimin e partive politike në të gjitha shkallët e gjyqësorit, çështje të cilat vlerësohen nga eprori i drejtëpërdrejtë.
8. Të kryejë dhe të ushtrojë çdo kompetencë tjetër që i jepet nga eprori, në përputhje me legjisllacionin në fuqi.

✓ **Kushtet minimale që duhet të plotësojë kandidati për këtë procedurë janë:**

- të jetë nëpunës civil i konfirmuar, brenda së njëjtës kategori për të cilën aplikon;
- të mos ketë masë disiplinore në fuqi;
- të ketë, të paktën, vlerësimin e fundit "Mirë" apo "Shumë mirë";
- të plotësojë kushtet dhe kërkesat e posaçme, të përcaktuara në shpalljen për konkurim.

➤ **Kërkesat e veçanta për këtë vend pune janë:**

1. Arsim i lartë, master shkencor, në shkencat Ekonomike .
 2. Të ketë përvojë pune jo më pak se 3(tre) vjet, në pozicione të nivelit të ulët drejtues.
 3. Të ketë njohuri të gjera të demonstruara në fushën financiare ,legjisllacionit financiar, njohuri shumë të mira të procedurave zgjedhore, aftësi për të përcaktuar objektiva dhe vendosur prioritete dhe respektuar afatet, aftësi për të planifikuar, rishikuar dhe koordinuar punën e stafit nën varësi, aftësi shumë të mira komunikimi, prezantimi, aftësi për të punuar në ekip, transparencë në punë.
 4. Të disponojë dëshmi/certifikatë dhe të flasë e të shkruajë një gjuhë të BE, avantazh anglisht.
- Kandidati duhet të dërgojë me postë ose dorazi, në zyrën e protokollit në KQZ këto dokumenta:
- letër motivimi për aplikim në vendin vakant;
 - një kopje të jetëshkrimit (C.V);
 - fotokopje e diplomës- nëse aplikanti disponon një diplomë të një universiteti të huaj, atëherë ai duhet ta ketë të njehësuar atë pranë ministrisë përgjegjëse për arsimin; fotokopje e listës së notave- në se ka një diplomë dhe listë notash, të ndryshme me vlerësimin e njohur në Shtetin Shqiptar, atëherë aplikanti duhet ta ketë të konvertuar atë sipas sistemit shqiptar;
 - një fotokopje e librezës së punës e plotësuar;
 - vërtetim i gjendjes gjyqësore; certifikata të kualifikimeve, trajnimeve të ndryshme;
 - fotokopje e letërnjoftimit,
 - aktin e deklaramit të statusit të nëpunësit civil të nivelit të ulët drejtues;
 - vërtetim nga punëdhënësi i fundit, që aplikanti nuk ka masë disiplinore në fuqi;
 - formularët e vlerësimit të punës për periudhën janar – dhjetor për vitin 2017;
 - formularin e vetëdeklarimit të të dhënave të plotësuar sipas rubrikave në zbatim të ligjit 138/2015“Për integritetin e personave që zgjidhen, emërohen...”etj.
- Afati i dorëzimit të dokumenteve është data 29.06.2018, 10 (dhjetë) ditë kalendarike nga moment i shpalljes në portal.

Në datën 03.07.2018, do të shpallet lista e vlerësimit paraprak të kandidatëve që do të vazhdojnë konkurimin (në portalin "Shërbimi Kombëtar i Punësimit", dhe në faqen zyrtare të KQZ-së). Këta do të jenë ata që plotësojnë kushtet minimale të lëvizjes paralele dhe kushtet e veçanta, të kërkuara më sipër. Kandidatët e skualifikuar do të njoftohen me telefon/e-mail.

Ankesat nga kandidatët e pakualifikuar paraqiten në Njësinë Përgjegjëse, brenda 3 (tre) ditëve kalendarike nga data e njoftimit individual dhe ankuesi merr përgjigje brenda 5 (pesë) ditëve kalendarike nga data e depozitimit të saj.

- Në datën 16.07.2018 do të shpallet lista e verifikimit përfundimtar të kandidatëve që do të vazhdojnë konkurimin në portalin "Shërbimi Kombëtar i Punësimit", në faqen zyrtare të KQZ- së dhe në stendën e informimit të publikut). Këta do të jenë ata që plotësojnë kushtet minimale të lëvizjes paralele dhe kushtet e veçanta, të kërkuara më sipër, si dhe të kualifikuarit pas procesit ankimor.
- Konkurimi- intervista me gojë do të bëhet **në datën 20.07.2018, në mjediset e KQZ, në orën 11-00.**
 - Konkurimi do të bazohet në njohuritë për specialitetin, Kushtetutën, Kodi Zgjedhor, i ndryshuar, Ligjin "Për nëpunësin civil", "Kodin e Procedurave Administrative", ligji 119/2014 "Për të drejtën e informimit", Standartet Ndërkombëtare të Auditimit, referencë të veçantë me SNA 800, Ligji nr.8580, datë 17.02.2000 "Për Partitë Politike", i ndryshuar.
- Kandidatët do të vlerësohen nga "Komiteti i Pranimit për Lëvizjen Paralele" (**KPLP**), i ngritur pranë institucionit të Komisionit Qendror të Zgjedhjeve. *Totali i pikëve të vlerësimit të kandidatit është 100, të cilat ndahen përkatësisht: 40 pikë për dokumentacionin e dorëzuar, i ndarë: 20 pikë përvojën, 10 pikë për trajnime apo kualifikime të lidhura me fushën përkatëse dhe 10 pikë për certifikimin pozitiv apo për vlerësimin e rezultateve individuale në punë, në rastet kur procesi i certifikimit nuk është kryer dhe 60 pikë për intervistën me gojë.*
- Njësia përgjegjëse (Burimet Njerëzore) do të njoftojnë kandidatët për rezultatin e konkurrimit, në mënyrë individuale. Ankesat nga kandidatët për rezultatin e pikëve, paraqiten në Komitetin e Pranimit për Lëvizjen Paralele" (KPLP), brenda 3 (tre) ditëve kalendarike nga data e njoftimit individual dhe ankuesi merr përgjigje brenda 5 (pesë) ditëve kalendarike nga data e depozitimit të saj.
- Lista e fituesve me 70 pikë e lartë (70% të pikëve e lartë) do të shpallet në datën 30.07.2018, në portalin "Shërbimi Kombëtar i Punësimit", në faqen zyrtare të KQZ- së.

Shpallja është e hapur për të gjithë nëpunësit civil të kategorisë së ulët drejtuese, në të gjitha institucionet, pjesë e shërbimit civil.

DREJTORIA E BURIMEVE NJERËZORE